

## ÞJÓNUSTUSAMNINGUR

### 1 Samningsaðilar

- (1) Klappir Grænar Lausnir hf., kt. 630914-1080, Austurstræti 17, 101 Reykjavík (hér eftir nefnt „Klappir“ eða „félagið“), og
- (2) Hafnarfjarðarhöfn, kt. 590169-5529, Óseyrarbraut 4, 220 Hafnarfirði (hér eftir nefnt „Hafnarfjarðarhöfn“), (hér eftir nefnt „Höfnin“), hafa komið sér saman um svofelldan samning: hvor um sig nefndur „aðili“ og sameiginlega nefndir „aðilar“.

### 2 Tilgangur og markmið

- 2.1 Markmið aðila er að nota stafræna tækni (Klappir PortMaster) til að auðvelda umsýslu, greiningu og miðlun umhverfisupplýsinga frá skipum á samræmdan hátt hjá höfnum á Íslandi. Einnig til að tryggja að sú þjónusta sem veitt er á hafnarsvæðum sé í samræmi við reglur hafna og landslög. Hraði innleiðingar verður að öllu leyti stýrt af höfninni í samráði við Klappir.
- 2.2 PortMaster dregur úr allri handvirkri umsýslu varðandi gögn frá SafeSeonet og frá Klappir LogCentral og tryggir að upplýsingagjöf til Umhverfisstofnunnar verður stöðluð. Eftirlit með frávikum í skráningum verður traust sem gefur höfnum möguleika á því að fá aðila til að bæta nákvæmni í skráningu á umhverfisupplýsingum.
- 2.3 PortMaster heldur utan um skráningar vegna IMO MARPOL Annex I-VI einnig áhafna- og farþegalista.
- 2.4 Þróaður verður aðgangur fyrir höfnina til að skrá inn upplýsingar um þá þjónustu sem veitt hefur verið á svæði hafnar. Hér er um að ræða upplýsingar um móttöku á úrgangi og afhendingu eldsneytis. Sérstakt færslugjald verður innheimt vegna þessa aðgangs.

### 3 Áskriftargjöld.

- 3.1 Fyrir afnot af PortMaster skal höfnin greiða fast árgjald/skráningargjald að fjárhæð kr. 10.000 auk vsk. Inni í þeirri fjárhæð er þjónusta við að setja kerfið upp og viðhald hjá notanda. Gjaldlagi er í janúar ár hvert.
- 3.2 Höfnin skal greiða eftirfarandi þóknunir til Klappa vegna notkunar á hugbúnaðinum PortMaster.
  - fyrir hvert SafeSeaNet skeyti greiðast kr. 1.000 án vsk.
  - fyrir hvert LogCentral skeyti greiðist kr. 1.000 án vsk.
- 3.3 Allar fjárhæðir í samningi þessum eru án vsk. Við reikningagerð bætist vsk. við reikning Klappa.
- 3.4 Öll viðbótarþjónusta sem höfnin kallar eftir, hvort heldur sem er annar hugbúnaður en PortMaster eða ráðgjöf er greidd samkvæmt gjaldskrá Klappa eins og hún er hverju sinni og ekki innifalinn í þjónustusamningi þessum

- 3.5 Fjárhæðir samkvæmt grein 2.2. taka breytingum samkvæmt launavísitölu. Grunnvísitala er vísitala júlí mánaðar 2019, sem er 691,3 stig (grunnur 1989. Hækkun tekur gildi á 12 mánaða fresti í fyrsta sinn í ágúst 2020.

#### 4 Höfundarréttur og notkunarréttur

- 4.1 Allur hugbúnaður er eign Klappa. Með skráningu í hugbúnaðarkerfi Klappa gengst höfnin undir þá almennu skilmála sem varða hugbúnað Klappa og notkun hans.
- 4.2 Hugbúnaður Klappa sér um bakvinnslu upplýsinga frá SafeSeaNet og LogCentral. Þessar upplýsingar og gögn eru eign hafnarinnar.
- 4.3 Klappir hafa leyfi til að nota gögnin til áframhaldandi þróunar á hugbúnaðinum og til að miðla upplýsingum með sjálfvirkum hætti til Umhverfisstofnunnar og annara opinberra eftirlitsaðila sem rétt eiga á upplýsingunum samkvæmt lögum og reglugerðum.

#### 5 Gildistími og uppsögn

- 5.1 Samningur þessi er ótímabundinn og gildir þar til honum hefur verið sagt upp skriflega af öðrum hvorum samningsaðilanum með 12 mánaða fyrirvara, nema aðilar verði ásáttir um annað. Tekur uppsögnin gildi 1. dag næsta mánaðar eftir dagsetningu bréfsins. Uppsögn skal send skriflega og með sannanlegum hætti.

#### 6 Viðaukar

- 6.1 Rammasamningur milli Klappa og Hafnasambands Íslands er viðaukasamningur með samningi þessum og gilda ákvæði hans um trúnaðar og þagnarskyldu aðila.

#### 7 Önnur ákvæði.

- 7.1 Rísi ágreiningur milli samningsaðila um efni þessa samnings, efndir hans eða annað, sem samningurinn tekur til, skal reka þann ágreining fyrir Héraðsdómi Reykjavíkur.
- 7.2 Samningur þessi er gerður í tveimur samhljóða eintökum og heldur hvor aðili sínu eintaki.

Reykjavík, 27. september 2019

---

f.h. Klappa Grænna Lausna  
Sigríður Ragna Sverrisdóttir

---

f.h. Hafnarfjarðarhafnar  
Lúðvík Geirsson